

ХӨДӨЛМӨР, НИЙГМИЙН ХАМГААЛЛЫН САЙДЫН ТУШААЛ

2023 оны ... дугаар
сарын-ны өдөр

Дугаар...

Улаанбаатар
хот

Итгэлцүүр хэрэглэх журам батлах тухай

Монгол Улсын Засгийн газрын тухай хуулийн 24 дүгээр зүйлийн 2 дахь хэсэг, Нийгмийн даатгалын ерөнхий хууль /шинэчилсэн найруулга/-ийн 22 дугаар зүйлийн 22.3-т заасныг тус тус үндэслэн ТУШААХ нь:

1. Итгэлцүүр хэрэглэх журмыг хавсралтаар баталсугай.
2. Энэхүү тушаалыг хэрэгжүүлж ажиллахыг Нийгмийн даатгалын ерөнхий газарт үүрэг болгосугай.
3. Тушаалын хэрэгжилтэд хяналт тавьж, мэргэжил арга зүйн удирдлагаар хангаж ажиллахыг Нийгмийн даатгалын бодлогын хэрэгжилтийг зохицуулах газар (Б.Батжаргал)-т даалгасугай.
4. Энэ тушаал гарсантай холбогдуулан Нийгмийн хамгаалал, хөдөлмөрийн сайдын 2012 оны 05 дугаар сарын 11-ний өдрийн "Журам аргачлал батлах тухай" А/64 дүгээр тушаалыг 2024 оны 01 дүгээр сарын 01-ний өдрөөс хүчингүй болсонд тооцсугай.
5. Энэхүү тушаалыг 2024 оны 01 дүгээр сарын 01–ны өдрөөс эхлэн мөрдсүгэй.

Гарын үсэг

ИТГЭЛЦҮҮР ХЭРЭГЛЭХ ЖУРАМ

Нэг.Нийтлэг үндэслэл

1.1. Нийгмийн даатгалын ерөнхий хууль /шинэчилсэн найруулга/, Нийгмийн даатгалын сангаас олгох тэтгэврийн тухай хууль /шинэчилсэн найруулга/-ийн дагуу нийгмийн даатгал шимтгэл төлсөн даатгуулагчийн тухайн үеийн цалин хөлс, түүнтэй адилтгах орлогыг итгэлцүүрээр өсгөн өнөөгийн үнэ цэнийг тодорхойлоход энэхүү журмыг ашиглана.

Хоёр. Хамрах хүрээ

2.1. Нийгмийн даатгалын ерөнхий хууль /шинэчилсэн найруулга/, Нийгмийн даатгалын сангаас олгох тэтгэврийн тухай хууль /шинэчилсэн найруулга/-д заасны дагуу дараах хүмүүс хамарна:

2.1.1. Хууль тогтоомжийн дагуу нийгмийн даатгалын шимтгэлээ нөхөн төлөх даатгуулагчид;

2.1.2. Цалинд үндэслэсэн аргаар өндөр насны, хөдөлмөрийн чадвар алдсаны, тэжээгчээ алдсаны тэтгэвэр шинээр тогтоолгох даатгуулагчид;

2.1.3. Цэргийн алба хаагчид.

Гурав. Итгэлцүүр хэрэглэх

3.1. Нийгмийн даатгалын ерөнхий хууль /шинэчилсэн найруулга/-ийн 24 дүгээр зүйлийн 24.1-д заасны дагуу нийгмийн даатгалын шимтгэлээ нөхөн төлөх тохиолдолд даатгуулагчдын тухайн үеийн сар бүрийн цалин хөлс, түүнтэй адилтгах орлогод тухайн оны итгэлцүүрийг хэрэглэн тооцож гаргана.

3.2. Цалинд үндэслэсэн аргаар өндөр насны, хөдөлмөрийн чадвар алдсаны, тэжээгчээ алдсаны тэтгэвэр тогтоохдоо даатгуулагчийн цалин хөлс, түүнтэй адилтгах орлогыг тооцоолоход итгэлцүүрийг дараах байдлаар хэрэглэнэ. Үүнд:

3.1.1 Нийгмийн даатгалын сангаас олгох тэтгэврийн тухай хууль /шинэчилсэн найруулга/-ийн 20 дугаар зүйлийн 20.1-д заасан тэтгэвэр тогтоолгох сарын дундаж цалин хөлс, түүнтэй адилтгах орлогыг тодорхойлохдоо даатгуулагчийн тэтгэврийн даатгалын шимтгэл төлсөн сар бүрийн цалин хөлс, түүнтэй адилтгах орлогыг тухайн оны итгэлцүүрээр өсгөн тооцно.

3.3. Цэргийн жинхэнэ алба хаагч Нийгмийн даатгалын сангаас олгох тэтгэврийн тухай хууль /шинэчилсэн найруулга/-ийн дагуу өндөр насны тэтгэвэр тогтоолгосон бол цэргийн алба хаагчийн авч байсан сар бүрийн цалин хөлс, түүнтэй

адилтгах орлогод тухайн оны итгэлцүүрийг хэрэглэж тооцно. Энэхүү тооцсон дүнгээс тэтгэврийн даатгалын шимтгэлийг ажил олгогчийн төлөх хувь хэмжээгээр нийгмийн даатгалын зохих санд улсын төсвөөс тухай бүр төлнө.

3.4. Нийгмийн даатгалын сангаас олгох тэтгэврийн тухай хуулийн дагуу өндөр насны тэтгэвэр тогтоолгох даатгуулагчийн 1995 оноос өмнөх цэргийн алба хаасан хугацаанд ногдох тэтгэврийн даатгалын шимтгэлийг цэргийн алба хаасан хугацаанд авсан цалин хөлс, түүнтэй адилтгах сар бүрийн орлогод тухайн оны итгэлцүүрийг хэрэглэсэн дүнгээс даатгуулагчийн болон ажил олгогчийн төлөх тэтгэврийн даатгалын шимтгэлийн хувь хэмжээгээр орлого тооцож нэрийн дансанд нь бүртгэнэ.

--- о О о ---